

Nr.regj. 37303/2011

DPK/DMP

03-497/2012

**GJYKATA KOMUNALE PËR KUNDËRVAJTJE NË PRISHTINË**, duke vendosur në procedurën për kundërvajtje kundër të pandehurit Emin Gërbeshi nga Prishtina, për kundërvajtje nga neni 7 paragrafi 1 e ndëshkuar me nenin 16 paragrafi 1 pika 2 të Ligjit për Deklarimin, Prejardhjen dhe Kontrollin e Pasurisë dhe Dhuratave të Zyrtarëve të lartë Publik e Pasurisë, Nr. 03/L-151, në bazë të nenit 73,74, 195,199 të Ligjit mbi Kundërvajtjet GZ KSAK 23/79, me datë **30.01.2012** merr këtë:

## **A K T V E N D I M**

**I PANDEHURI: Emin Ali Gërbeshi**, i lindur më 13.01.1965 në fshatin Marec, tani jeton në Prishtinë, me vendbanim të përhershëm në lagjen "Mati 1", deputet në Kuvendin e Republikës së Kosovës, magjistër, i martuar, babë i një fëmije, i gjendjes së mesme ekonomike,

### **Ë s h t ë P ë r g j e g j ë s**

Sepse, si Zyrtar i Lartë Publik, në pozitë të Deputetit në Kuvendin e Republikës së Kosovës, nuk e ka deklaruar gjendjen e pasurisë në Agjencinë e Kundër Korrupsionit, brenda afatit ligjor prej 60 ditësh pas marrjes së detyrës më datë 27.06.2011,

- **me çka ka kryer kundërvajtje nga neni 7 paragrafi 1 e ndëshkuar me nenin 16 paragrafi 1 pika 2 të Ligjit për Deklarimin, Prejardhjen dhe Kontrollin e Pasurisë dhe Dhuratave të Zyrtarëve të Lartë Publik**, andaj për këtë i shqiptohet,

## **D Ë N I M I**

**Me gjobë në shumë prej 300 € (treqind euro)** të cilën shumë i pandehuri është i obliguar ta paguaj në afat prej 15 ditësh, pasi që ky aktvendim të merr formë e prerë, në llogarinë e të hyrave gjyqësore të KGJK-së No.1000 4300 7000 0518. Pagesa bëhet në ndonjërin agjenci për mbledhjen e të hyrave-bankë, përmes urdhërpagesës së plotësuar nga Gjykata. Nëse gjobën e shqiptuar nuk e paguan në afatin e dhënë, e njëjta do të zëvendësohet me dënim burgimi në kohëzgjatje prej **20 ditësh**, duke llogaritur nga 15 Euro për një ditë burgimi.

Shpenzime të procedurës nuk ka pasur, kurse në emër të paushallit gjyqësor i pandehuri është i obliguar të paguaj shumë prej **5 Euro** në shërbimin e arkës së gjykatës.

Nga një kopje e këtij aktvendimi i dërgohet parashtruesit të kërkesës dhe të pandehurit

## **A r s y e t i m**

**Agjencia Kundër Korrupsionit në Prishtinë**, i parashtroi kësaj gjykate Kërkesën 01-41-06/2011 me datë 26.10.2011 për fillimin e procedurës kundërvajtëse ndaj të pandehurit të lartshënuar për kundërvajtjen nga neni 7 i Ligjit Nr. 04/050 meqë ky ligj ka qenë në fuqi në kohën e ushtrimit të kërkesës, me përshkrim se i pandehuri nuk e ka dorëzuar në Agjencinë e Kundër Korrupsionit formularin mbi deklarimin e gjendjes së pasurisë pas marrjes së detyrës si deputet në Kuvendin e Kosovës brenda afatit ligjor të paraparë me Ligjin Nr.04.04/050.

Në bazë të kërkesës së parashtruar, gjyqtarja filloi procedurën kundërvajtëse, mori në pyetje të pandehurin i cili në mbrojtjen e vet deklaroi se e pranon në tërësi kundërvajtjen e cila i vihet në barrë, duke shtuar se ka qenë një kohë jashtë vendit andaj edhe e ka neglizhuar çështjen e deklarimit të pasurisë, për çka

...son të ndihmese të tilla e paqëllimshme, megjithatë nuk mund të arsyetohet veçanësisht sipas gatismës për të paguar pasojën dhe për të përmbushur obligimin pasues që ka të bëjë me deklarin e pasurisë.

...nga të cilat nuk vërkese; vlerësimi i deklaratës së pandehurit, domethënë, në përvojën matëse dhe shqyrtimi i shkresave të tjera të lëndës, gjyqtarja në masë të mjaftueshme vërtetoi gjendjen e plotë dhe të drejtë faktike, ekzistimin e veprës kundërvajtëse mos deklarim i pasurisë me marrjen e detyrës brenda afatit ligjor, pas marrjes së detyrës në fund qershori të vitit 2011 dhe përgjegjësisë së të pandehurit për këtë kundërvajtje, andaj të njëjtin e dënoi me dënimin e paraparë ligjor, të sanksionuar si të tillë me ligjin 03/L-151 të shfuqizuar më vonë me ligjin 04/L-050. Mirëpo gjyqtarja në këtë lëndë aplikoi ligjin 03/L-151 i cili ka qenë në fuqi në kohën kur i pandehuri ka kryer kundërvajtjen e cila i vihet në barrë dhe i njëjti ligj është dukshëm më i favorshëm për të pandehurin se sa Ligji Nr.04/L-050 që ka aplikuar parashtruesi i kërkesës.

Gjatë shqiptimit të dënimit gjyqtarja pati parasysh rrethanat nga neni 7 i LK në të cilat është kryer kundërvajtja dhe duke vlerësuar masën e shkeljes sipas pozitës së zyrtarit të lartë publik si dhe personalitetin e tij, të njëjtit ia shqiptoi dënimin me gjobë të precizuar si në dispozitiv, me bindje se edhe me një gjobë të tillë do të arrihet qëllimi i ndëshkimit dhe se i pandehuri në të ardhmen do të shmanget nga kryerja e ndonjë kundërvajtjeje të tillë apo të ngjashme.

Me sa u tha më lartë u vendos si në dispozitiv të këtij aktvendimi.

**U VENDOS NË GJYKATËN KOMUNALE PËR KUNDËRVAJTJE NË PRISHTINË**  
**Nr.regj.37303/2011, datë 31.01.2012**

Gjyqtarja  
Suzana Cerkini



**KËSHILLA JURIDIKE:** Kundër këtij aktvendimi pala e pakënaqur ka të drejtë ankese në afat prej 8 ditësh pas pranimit të të njëjtit, Gjykatës së Lartë për Kundërvajtje në Prishtinë, nëpërmjet kësaj gjykate, pa taksa.